

開
水
池
二
新

己未仲春
橫山草堂

序

今上統一海內幅員之廣超越漢唐曾命儒臣纂修大清一統志於是各府州縣莫不搜輯境內之山川土風文物典章之屬薈萃成書獻於公朝以成一代之鉅典未聞境中別畫一區以爲志開沙江中洲耳何以志爲然攷南徐之域帶江淮引甌越舟車輻輳軍民雜處爲東南之雄封而萬里巨浪直瀉海門雙峯特拔而起下有湧沙成五十餘洲惟開沙最大雖遷變無常坍漲不一約其地六十餘里吞吐日月靈氣鍾祥其土田之沃腴物殖之繁庶以及琳宮梵宇故家喬木之遺跡自隋唐至於今千百餘年歷歷可考非若小沙汨沒於煙波浩渺間也顧周禮職方氏掌輿圖內史掌四方之志以備巡狩則夾王車備顧問廣

開沙志序

一 橫山草堂

獻納焉是志之宜詳而不宜略宜精而不宜疏若合郡邑而志之不無括一漏十之病靈區奧壤無以表著于當世此侍御王公鐵崖先生之有是輯歟余才識舛陋謬典是邦閒嘗過沙上省風俗問農桑坊表林立阡陌井然居是洲者大都耕食鑿飲以恬以熙享我國家太平有道之盛愧無暇晷攜拾記註是編徵因革識土風臚列標舉其思精而體要文約而旨該殆有當於周禮之遺意歟余聞侍御公得扶輿清淑之氣誕育于斯自髫齡習聞父老緒論今暫憩里門優游泉石復與文人逸士相與討論得實彙爲一編稽往古之成績昭當代之典章正可備史官所採擇豈徒補郡志遺缺已耶若夫古渡風帆濤聲吼月之勝讀前人八景詩尤爲神往未知何時簿書少暇棹扁舟一



訪江上無邊風月也不辭蕪陋是爲之序

康熙五十二年歲次癸巳小春鎮江府知府加五級浙西陳士鏞拜撰

開沙志序

二

橫山草堂

重修開沙志序

大江蜿蜒七千餘里以達於江陰之海門而入海其勢平衍漫流無復奔騰衝突怒濤駭浪之險異而金焦峙乎其中片石孤撐巉巖秀拔其下溥沙洲五十餘而開沙爲最大綿亙六十餘里儼若古子男之邦田土沃腴物產饒裕居民萬餘家習詩書務耕漁風淳俗茂其出仕中朝者亦不乏焉蓋扶輿清淑之氣將竭而彙萃於斯江山映帶風景奇麗雖靈區奧壤無以過之說者謂沙岸善崩長圯不常廣狹靡定然圯此增彼數里閒耳詩云高岸爲谷深谷爲陵內地尙爾而謂沙洲獨以是異歟故嘗以爲中國之地九州而四海環之九州在水中也鄒衍又言中國於天下乃八十一分居其一分耳中國名曰赤縣神州中國外

開沙志序

一

橫山書院

如赤縣神州者九乃有大瀛海環其外天地之際焉則此八十一州亦在水中也以九州而視開沙開沙撮土耳其以大瀛海所環八十一州而視中國中國不猶之撮土乎然而天之文地之理人物之菁華發越不勝載使謂是瀛海一隅而藐焉勿足誌則人必笑之今開沙猶是也余生長於斯習聞父兄之緒論故老之流傳謹誌勿忘自壯遊四方策名吏部備員大夫之後其離違父母之邦也或三數年或十餘年而開沙之景物恍然在目嘗欲集而志之今蒙

聖恩放歸田里愈得與逸士野老相狎習而開沙乃真吾里矣先是余族人王建之嘗輯開沙志同社友丁澍臣增修之余因刪其繁蕪補其缺漏要歸於雅醇壬辰冬月攜置

行笥門人吳興溫子鄰翼見爲參訂謂可附野史之林夫
山經水志梵宮道院好事者尙或網羅不遺而況父母之
邦歟以之昭示子孫使皆有重土之思亦名教之一助也
後之君子續而志之與此沙永永千古焉可已

大清康熙歲次壬辰冬月穀旦

賜進士出身奉直大夫掌山東道事福建道監察御史巡視
西城稽察寶源寶泉兩局前禮部儀制司員外郎充乙酉
科順天鄉試同考官本部主事行取湖廣衡州府臨武縣
知縣加四級充癸酉科本省鄉試同考官里人王之瑚鐵
崖氏撰

開沙志原序

古來彙典故則曰志林紀行實則曰志傳是以山海有經西域有志博物有書五行天官列於史記立言之途雖殊其旨則一後世若氏族若禮樂軍刑諸司執掌郡邑山川靡不考核而著之書凡以永其事俾不泯沒而已予生長大江中雲濤千頃蒹葭一方吞日浴月濯魄盪胸結而爲嗜古之癖其微志固有在矣頃讀公佩張先生八景詩序見其臚列疆里標舉名勝竊嘉其意旨之殷第渠時其去國初未遠蒐羅見聞爲力較易何不遂爲撰志使古昔盛美多所湮沒不無遺憾焉同社二三君子過余言曰沙自隋唐已著外史若梁之利晉之杏宋之栢千有餘年物色迄今無恙非他僻壤可比雖名賢勝蹟郡志乘未嘗不收

開沙志原序

橫山草堂

然括一漏十俾從來高雅風流永銷沈於荒煙蔓草此吾黨之咎也子其志之余謝不敏久之取郡志提其綱翼以大家名集舊族家乘遍訪耆碩薦紳耳目所覩記參訂而爲書首里社人材次庵院物產若節孝隱逸罔不闡其幽光卽碑記詩歌亦寶惜其遺墨而災祥蠲賑則掇拾於其末凡數年而後成友任子覽而諷曰子不志其大者經緯六宇而筆此也用意雖勤而已渺乎小矣毋乃薄目前而爲千秋業耶余歎曰不然古今升降風會雖殊士生其間而有所稱述亦各有微寄耳如吾子之言何彈丸此地乎吾沙古稱六十里高小沙微殺其十之四彼邨邨曹滕古子男國其地之大幾何也姑與子論其近者常之馬馱沙沙耳揚之瓜洲洲耳沙之大亦若是也俄而作邑開鎮列

於輿圖俯仰間不過百年事耳吾沙向爲天吳所嚙幅幘
微削邇否傾泰轉沙之首復漲已過焦山沙之尾漸淤將
抵圖關復沙之舊日可俟已焉知兩沙日後不遂爲馬馱
瓜鎮耶余姑任裨諝之職俟後之君子取而討論之修飾
之從而潤色之是則余之志也夫

里人王錫極建之氏謹述

開沙志原序

二

橫山草堂

開沙志圖考

河圖出於龍馬洛書獻於神龜天地之數以圖而顯昔人著作率稱圖籍周官掌圖有專職天下土宇形勢悉繪圖於卷首一展卷閒不下庭階而四封之內瞭如指掌丹徒負山枕江爲三吳重地凡山川城郭及疆域都圖載在郡邑兩志俾官斯土者獲以周知興替可以按圖而增所未備吾沙介水中央與三山並峙爲西江之砥柱作東海之關梁四面環潮田通灌溉賦稅條糧以四十餘里足抵山區之半自古迄今里仁俗美親遜成風秀者勤於詩書樸者安於耕鑿歷代人文科第暉映郡志者不能悉數邇來遷復之後滄桑變更全盛於昔時稍衰於今日謹依舊志列圖於首使後之君子及生斯土者一覽而知所遞易云

開沙志圖考

三

橫山草堂

里人丁時霈澍臣氏謹述

關沙形勢全圖


開沙總圖

開沙志圖


一



藤料洲圖




開沙志圖



遷內地時圖



開沙志圖




開復以後圖



開沙志圖

四



開沙志上卷目錄

總敘開沙藤料沙形勢考

總敘高小沙形勢考

總敘順江南新洲形勢考

開沙道里考 諸洲

丘域 津梁 寺觀 坊表 祠宇 墳墓 舉辟

選舉 貢生 學校 國學 武科 恩封 錄蔭

賢達 鄉賢 耆英 散秩 列女 物產

開沙志上卷

橫山草堂

里人 王錫極建之纂輯

丁時濬澍臣增修

里人王之瑚鐵崖刪訂 門人吳興溫睿臨鄰翼參校
地輿

總敘開沙藤料沙形勢考

潤城東北九里名洋子江又名京江自京峴北折至東馬鞍石公山入江突爲焦山根盤鯨窟鎖鑰北門東北餘支分峙於滄溟浩瀚聞者一曰小焦次曰海門山之陰約里許渚磧崛起於中流者曰開沙又名長沙白沙大沙曰開沙者洪荒初闢卽有此沙因名之也曰長沙者計程六十里橫亘三十里而名之也曰白沙者隋煬幸江都宮人晾

開沙志上卷

橫山草堂

粉於沙雪練數十里而名之也曰大沙者中衝爲二沙有大小之別也水陸去郡一十五里首過焦山與象山石公渡斜對尾抱圖山與江北新江口相值京口若無此沙則長江七千里一洩入海不特潤城無以捍蔽而金陵亦無所關鎖矣南有白兔東雩西汝夾拱於前金玉瓜渚鎮抵於西圖塔五峯砥柱於東北則清思江衣帶相間後則五十餘洲擁護於背遙對江都諸港水勢相應沙之西北舊有塔在中心圍久圯萬厯壬寅僧惠源重建登其上遙盼廣陵城郭千堞煙樹依微儼如圖畫金焦鼎立乎目前境內寺廟載在郡志其來舊矣沙之尾曰曹府圍去大港鎮隔水尋丈可呼而應馬沙圍在圖山之下馬沙東岸中界水泓與之接壤者曰藤料沙計長五十里其中諸圍大者

萬畝次者不下七八千極東曰河墩港有姜家嘴巡檢司公署在焉尾與當江沙相近東北隅曰崎沙屬江都自開沙之首至藤料沙頭止長六十里濶三十里週迴一百八十里轄二十都二十二里自藤料沙之首至姜家嘴止長五十里濶三十里週迴一百五十里轄二十一都二十里慨自成弘間海若爲災藤料崎沙日漸淪沒沙尾崩坍僅存四十餘里幸東北對江復增順江洲週迴四十餘里北界南新沙皆大沙崩土所漲沙之舊族遷兩洲順江洲屬丹徒南新洲則屬江都然分土分民依稀故業崎料雖有崩坍之苦而獲順南之利亦可無憾也近日驚沙甫定洲渚復漲已過焦山而沙尾將抵圖關中心藤料之舊觀指日可觀矣滄易而仍桑不信然耶

開沙志上卷

二

橫山草堂

總敘高小沙形勢考

開沙自新開浹渡口南望約五里許煙樹雲林生齒稠疊曰高家沙其發脉自白兔山北折入江結而爲沙陬邇而東曰小沙去城水陸二十里東雲山諫壁鎮其西南與丹徒鎮相鄰隔水里許東南去孩溪半里舊有半洲橋今廢沙尾復漲密邇黃港柳港洲北與沙接壤曰天生浹其藤料沙崩之舊族多遷居於此境內有上膳院舊傳前宋武帝駐蹕處向有飲馬池走馬隄今悉墾爲田見碑記中有銀杏二株其大蔽牛每秋結實虬枝鐵幹蒼翠多姿非宋元近代物也版籍合計轄四圖堪輿家每指兩沙形勢均如遊龍大沙則逆水而西小沙則順流而東合高小沙其長與廣可抵大沙三之一人物風俗物產大概相同而

高沙較質朴近古云

總敘順江南新洲形勢考

順江洲去郡三十里在大沙東北昔開沙之曹府馬沙二圍田踰四萬餘畝盡坍入江成弘閒漲爲蘆灘萬畝被坍諸家告佃南有嚴金北有朱姓爭競不已丹徒江都兩縣親臨分界令兩人各騎馬至相遇處分界而止嚴素善騎南得十之六七北得十之三四且勸兩家結姻以解之嚴有八男朱有九女以嚴四男配朱四女由此定界永息爭端迄今洲之享成業者疇念前人開闢之功哉論地形勢柳港黃港大港諸山列屏於南圖塔五峯鎖鎮於東南新丁課藍駱等洲擁蔽於北皇莊借樂基心寶定補順補新補興諸圍接壤於西方圓四十餘里江流環抱煙火相聯

開沙志上卷

三

橫山草堂

田地膏腴世業耕讀人物風俗皆與吾鄉相伯仲而節儉生殖之法爲諸鄉所不及其宅基前有池塘後有竹木近且起酒舍百餘載酤蘇松史橋列市珍貨悉備南北數十餘洲居民皆往來貿易生齒富庶而風俗醇樸同諸吾鄉矣

開沙道里考

白沙離府城東北陸程九里水程九里共計十八里南去丹徒鎮諫壁孩溪大港俱隔江十餘里不等

北去揚州城隔江八里陸程二十里共計二十八里

東去崇明縣海口水程七百里地在圖關之內相隔遙遠

西去焦山隔江八里 甘露十里金山十五里

西南去京口大閘水程十五里